

Landesbibliothek Oldenburg

Digitalisierung von Drucken

**Dissertationum Medicarum De Connubio Astrææ Cum
Apolline, Circa Medicinam Forensem**

De Inspectione Cadaveris In genere

Emmerich, Georg Emmerich, Georg

Regiomonti, 1710

VD18 1310747X-001

§. XXIX.

urn:nbn:de:gbv:45:1-8856

constitutionem corporis & sanguinis in ejusmodi ætate erant annotanda. Modus trucidationis, & quæ eum comitata ac infecta erant, quâ diæta, quibus remediis usus vel non usus fuerat occisus, quæ cura adhibita, quo in loco decumbens inventus & in quo statu repertus fuerit ager; hæc omnia necessario erant observanda, ut ex illis circumstantiis minor vel major lethalitas erui posset, quemadmodum & pro lethaltate vel illethaltate illa etiam in subsequenti casu, nimirum ubi judicium erat ferendum, adducuntur & ex iisdem judicium fertur. Imò in subsequenti responso ampliss. Facult. Medic. Regiom. super hunc casum multæ circumstantiæ pro rationibus decidendi sunt assumptæ & approbatæ.

§. XXIX.

4. Curet Medicus inspectioni destinatus, ne ante adventum suum chirurgus initium inspectionis, impr. sectionis faciat, hoc ipso enim postea dubius redditur, an ita res sese ante sectionem habuerit, an incuriam vel imperitiã chirurgi demum facta sit, omnia quidem aptari & parari possunt, ipsa tamen sectio in præsentiam Medici fiat. Sic in capitis contusione cranium mediante ferrâ non difficetur, antequam Medicus sit præsens; Vultus enim & Plaga externa probe prius sunt inspicienda, imò latitudo longitudo & profunditas vulneris cautè sunt dimetienda. Sub dissectione caput ipsum non nimis quatendum, aut si difficulter disseccari potest calvaria, superior ejus pars non nimis violento modo effringenda, præsertim ferro profundius intruso, ne internè lœdatur, quod ante læsum non fuit, aut sanguis extravasatus sub calvariâ vel menyngibus contentus alium locum petat, quam ante habuit. Uti ejusmodi errores observare jam contigit; Duos saltem casus nobis notos, non ita pridem factos in medium adducamus: Prior fuit noster inferius allegatus, ubi nimis violenter dillecta & effracta calvaria primò dubium commovit, an festuca vel frustulum acuminatum ossi sphenoidi ad-

D 2

herens

A



hærens ab osse frontis diffractum jam ante extiterit, vel sub violentâ externâ diffractioe factum. Dein an sanguinis grumus s. cochlear unū cruoris in interiori ossis temporū & sphenoidis cavitate repertū ab externâ plagâ eò secesserit, vel sub calvariæ per ferram ablatione, capitisq; violentiori quassatione eò defluerit, quæ tamen in ferendo iudicio de lethalitate maximè spectanda erant. In altero casu ante adventum Medici caput jam ferè diffectum fuit per ferram, & integumenta capitis, ubi vulnus erat, cruciformiter partita à chirurgo, multum sibi tribuente & per quem multi volunt decipi; hinc externum vulnus non legaliter inspectū & sanguinis pars sub calvariâ extravasata ad tempora ac sinum quendam s. cavitatem lateralem secesserat, de quo sanguinis grumo dubitabatur, an sub serratione vel ante eam eò defluerit, quanquã & Medicus unus nō satis accuratus in consignandis accidentibus ac sub inspectione repertis tū temporis fuerat; Ex quibus videndum, quam providâ & accuratâ manu sint administrandæ sectiones & consignanda phænomena in cadaveribus inspiciendis.

§. Ulterius ante Sectionem chirurgus vulneris profunditatem incautè stylo ferreo acuto non emetiatur, sed si opus, providè & suspensâ manu, ne tentatione ac investigatione illâ mediante specillo vulnus ipsum dilatetur, ampliatur & interiora ut membranæ, viscera, vasa, cerebrum lacerentur, pertundantur, aliove modo lædantur, & pertusiones fiant, vulneraque efficiantur, ubi nulla fuerunt, sicque error in deponendo committatur.

§. XXX.

Quæritur VII. Quænam in ipso inspectionis actu sunt observanda?

Resp. Sectio legitima & anatomica instituat, non enim in cadaveris inspectione judiciali sufficit sola intuitio externa, aut sola mediante stylo exploratio vulneris, uti Casus 6tus Pandect. Medic. Legal. Part. 2. Sect. 1. ex Ammanni Medicinâ Criticâ & Welfchio